

'O CHIOSTRO 'E SANTA CHIARA

Ma che vernata longa, che grigiore,
che desiderio 'e sole e dd'aria dolce,
io me ne vaco addò me porta amore,
quanno 'a puisia me parla sottovoce.

Quanno 'e su spire songo accussi ccare
d''e uoce antiche e bbelle d''o ppassato
ca sperciano d''e mmure 'e Santa Chiara,
che v'aggia di, me sento affascinato.

È ecomme si trasesse int' a nu suonno
fuzenno d''o frastuono 'e tanta ggente;
me sento 'o ddoce impietto ca cchiù aonna
dint' a 'stu chiostro maggico e llucènte.

'O giallo d''e maioliche me 'ncanta,
'nzieme 'e giunchiglie è ttutto n'armonia;
o sole 'e primmuera ca m'ammanta...
Gesù, Gesù, che lluce, che mmaggia!

È 'na maggia ca m'accompagna ancora
Quanno dint' e ricorde mie m'apparto;
è Dio ca m'offre int' a nu piatto d'oro
'o gusto eterno pe' ll'ammore 'e ll'arte.

4/4/2009

Antonio Ruggiero

